



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02 -11-4-7758-5/23

Datum: 08.12.2023. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), člana 34. Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo“ broj 44/23) i preporuke Komisije za sukcesivnu nabavku usluga tehničkog pregleda motornih vozila za potrebe Uprave policije, imenovane Rješenjem broj: 02/5-1-30-1-7481 od 12.10.2023. godine, u postupku javne nabavke usluga tehničkog pregleda motornih vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivnu nabavku usluga tehničkog pregleda motornih vozila za potrebe Uprave policije i okvirni sporazum za javnu nabavku usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo dodjeljuje ponuđaču:

- Ahmetspahić petrol d.o.o Sarajevo za ponudenu cijenu od 19.294,18 KM bez PDV-a

II

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma dostavit će se na potpis izabranom ponuđaču Ahmetspahić petrol d.o.o Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Izabrani ponuđač Ahmetspahić petrol d.o.o Sarajevo je u svojoj ponudi dostavio tražene dokaze navedene u tački 12. tenderske dokumentacije, a koje se odnose na član 45. stav (2) tačka a) do d), čime se oslobađa obaveze naknadnog dostavljanja istih.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-7758/23 od 02.11.2023. godine i Obavještenja o nabavci broj: 16475 1-2-135-3-137/23 od 02.11.2023. godine, proveden je postupak javne nabavke putem otvorenog postupka, za sukcesivnu nabavku usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-7758-2/23 od 23.11.2023. godine, za aktivno učešće u postupku dostavljene su ponude ponuđača Ahmetspahić petrol d.o.o. Sarajevo, Osing-osiguranje inženjering d.o.o. Sarajevo i AC Quattro d.o.o. Sarajevo. Neblagovremenih ponuda nije bilo.

Komisija za sukcesivnu nabavku usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-7758-4/23 od 07.12.2023. godine, kojim je utvrdila sljedeće:

- da je u ponudi ponuđača Osing-osiguranje inženjering d.o.o. Sarajevo navedena manja cestovna udaljenost od one koju je provjerom utvrdila Komisija, primjenom uslova postavljenih u tenderskoj dokumentaciji. Dana 28.11.2023. godine upućen je Zahtjev za pojašnjenje broj 02/6-11-4-7758-3/23 priložene dokumentacije u ponudi ponuđaču Osing- osiguranje inženjering d.o.o. Sarajevo.

Ponuđač Osing- osiguranje inženjering d.o.o. Sarajevo nije dostavio odgovor u ostavljenom roku.

U skladu sa naprijed navedenim, ponuda ponuđača Osing-osiguranje inženjering d.o.o. Sarajevo nije prihvatljiva, te se u skladu sa članom 68. stav (4) tačka f) Zakona o javnim nabavkama BiH odbacuje.

- da ponude ponuđača Ahmetspahić petrol d.o.o Sarajevo i AC Quattro d.o.o. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove.

Naziv ponuđača	Ukupna ponudena cijena (P) -90 bodova	Operativni trošak (U) -10 bodova	Ukupan broj bodova (T)-100
Ahmetspahić petrol d.o.o. Sarajevo	19.294,18 KM -90 bodova	27.300 m -1,32 bodova	91,32 bodova
AC Quattro d.o.o. Sarajevo	46.703,81 KM- 37,18 bodova	3.600 m- 10 bodova	47,18 bodova

Shodno rezultatima pregleda i ocjene ponuda i rang listi prihvatljivih ponuda, Komisija je u skladu sa članom 64. stav (1) tačka a) Zakona o javnim nabavkama, ocjenila prihvatljivom ponudu ponuđača Ahmetspahić petrol d.o.o Sarajevo.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama, podzakonskim aktima i tenderskom dokumentacijom.

U skladu sa naprijed navedenim, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda broj 02-11-4-7758-4/23 od 07.12.2023. godine odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranie žalbi. putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).



POLICIJSKI KOMESAR
Generalni inspektor policije

Fatmir Hajdarević

Dostaviti:

1. Komisiji za sukcesivnu nabavku usluga tehničkog pregleda motornih vozila;
2. Ponuđačima x3;
3. Odjeljenju za odnose s javnošću, radi objave na web stranici ovog organa;
4. a/a.